

Yendu Kadaaog maam tunda

ATAPEB

(Association pour la Traduction, l'Alphabétisation
et la Promotion des Ecritures en Ben)

Dapaong, 2012

Yendu Kadaaog maam tunda

ATAPEB

(Association pour la Traduction, l'Alphabétisation
et la Promotion des Ecritures en Ben)

Dapaong, 2012

Yendu Kadaaɔg maam tunda

«Des leçons de la Parole de Dieu»

Les passages bibliques ont été pris du Nouveau Testament

Moba publié par ATAPEB en 2008

Le passage de Genèse a été traduit par ATAPEB

Les commentaires et questions avec réponses ont été

traduits d'un document en anglais intitulé « Literacy for

Life », avec permission de GILLBT (Ghana Institute of

Linguistics, Literacy and Bible Translation)

Traduction en moba par ATAPEB

Les 20 premiers textes (de page 5 à 27) ont été publiés dans

une édition provisoire (25 exemplaires) dans le 4ème

trimestre 2011

Nos remerciements à SIL Togo-Bénin pour le financement

d'impression de cette première édition

© ATAPEB, 2012

1ère édition, 1er tirage 2012:3 (500 expl.)

Yendu Kadaaḡ Maam Tunda

1	Tiig	Dɔgdu 22:1-2
2	Saab	2 Tim 1:6-7
3	Jab banle	Tuona 13:3-4
4	Naab	Ebro 9:13-14
5	Nala lann i kaa yieli	Mat 9:20-22
6	Kunkul	1 Pier 1:3-5
7	Kpajuug	Mat 12:25-28
8	Bonbuoli nba pa	Mark 4:26-29
9	Taag	Mat 5:43-46
10	Nuga	Gal 6:7-10
11	Dii	Luk 8:11-15
12	Kpakonu	1 Kor 3:3-7
13	Janḡ	San 6:5-13
14	Tingbann	Luk 9:37-45
15	Taacaad	San 13:1-5, 12-17
16	Tolaanu	Mat 24:36-42
17	Jua yen u ḡaapuo	Efes 5:21-33
18	Taacil	Mat 13:3-9, 18-23
19	Samari puo be caal buol	San 4:1-14
20	Nugl	Cilg 1:11-12
21	Yiesu yad yedḡanm bid po	Mark 10:13-16
22	Kuunaanḡ	Luk 13-34

Yendu Kadaaɔg Maam Tunda (tuanu)

23	Polupaann	Dɔgdu 21:1-4
24	Pagubl	Mat 6:25-33
25	Talbann yen talbanpieni	Efes 6:14-18
26	Waaɔg	Dɔgdu 12:7-9
27	Pawann	Mat 28:18-20
28	Ŋuabi	Mat 25:31-34
29	Pei	San10-14-18,27-28
30	Jiennɔ	San 1:35-43
31	Dingbana	Luk 9:1-6
32	Bonkobd	Tuona 10:9-16
33	Yanbɔl	1 Pier 5:8-9
34	Bad	Dɔgdu 19:11-16,20:1-2,7-10
35	Tiidi nba luon luana	Mat 3:8-11
36	Sual, tadi, boba	2 Tim 2:20-21
37	Muu	Saak 3:5-6
38	Finfenn	1 Pier 3:10-12
39	Fiiunɔ	Saak 3:13-15
40	Sanpandi	Mat 1:18-21
41	Duoli	Mark 5:1-15
42	Pienn	Tuona 9:19b-25
43	Kpaddindieɔg/Kpaljinjieɔg	2 Pier 3:17-18

Tundl 1 Tiig (Dɔgdu 22:1-2)

Maalm

Jua yen puo nba g Yendu bo tag k b tie cincinn niib bo g cɔln wano Yendu, k u bel'b k ban ji daa sii tiig nba tien miel nyan. Tin bo mɔg pann nba g dugn t kan cɔln po, Yiesu kuum dapunpɔnn po n pa l pann, g cab'ti sɔnu k t ji tan bu fid nagn l miel tiig buol polu po, g ji gii mɔg miel youg kul. L tiig faad n tan bu teb'ti. T tien man Yendu balg l fielu nba g mɔg tin bu bign yen yal po.

Buali

1. Jua yen puo nba g Yendu bo tag k b tie cincinn niib bo tien be i ?

2. Ban bo g cɔln nyan b ji bo buon be i ?

3. Tiig nba tien miel nyan ji be le i ?

Yendu maam beglu pal n

Dɔgdu 22:14

Yab nba ŋuni b liɛdfagd, pamann tie b yal i. L po, b bu cab'b ban mua tiig nba tien miel nyan luana, g biɛ tɔgn dimɔi g kua doug n.

Tunda 2 Saab (2 Timote 1:6–7)

Maalm

Yendu kadaaɓg maad’ti g Yendu tie’ti fojanm. L paab be t ninɗ i, k t baa kub k u fo, gii “tiig’o” lann i kaa gii “sagd’o” lann i kaa gii “die’ɔg g suun yen’o tuonn”. A gii bua n kan saab, l tie ɗan gii kud i g bie tiig muu g saab n be. T gii ɗaa g saabobl ɗaa k t yen g kud, saabobl tinɗ po bu yid i, k l polu po yen tie saakaɓg. L tie nnyan i tinm Kristo-yab mɔ yaa po. T gii gaal Fojanm g mɔ g tie siel Kristo po, t pamann nba k t tu mɔg g ɗɔnɗ niib Kristo n tie yua, g bie tod t lieb nba be yen’ti nyan bu bod i. T daa jie man k l maa Fojanm n tie Paacienu nba k t bua. Wano n bu fid g tod’ti k tin te sieda-nba g ɗɔn t lieb Kristo n tie yua nba.

Buali

1. B tu kan saab nle i lan ɗanm g be i ?

2. Tinm Kristo-yab, t gii g tie siel, be n bu baal i ?

3. Be n te k l g bual k tin gii jie yen tin muand g ɗɔn Kristo n tie yua i ?

Yendu maam beglu pal n

2 Timote 1:7

*Yen mɔni, Yendu n tie'ti Fojanm nba g tie yal baa kuand'ti
jiwaani kaa. L tie yal bu kuan'ti paalu yen buam yen mindl i.*

Tunda 3 Jab banle (Tuona 13:3-4)

Maalm

Niib nba g ban g Yiesu tie b Fietua, b ŋman g be bunbɔnn n ninŋ i. Dɔnnpaanu cilyoug, Kristo-yab bo jaand g biɛ cenŋ Yendu n bu maad'b yal. Yendu bo maad k ban sun tuonsunna k ban gad g muand Laabamann nba tien yinyiem dingbanfana n ninŋ. Pɔl yen Barnabas bo waa g tuan dingbana nba kaag Mediterane mɔgl g muand l laabaal i. B bo luod Kristo-yab tintaambuol boncienn g niib boncienn te Kristo-yab k b la. Lann, l tie k t mɔ́ n muand l Laabamann dingbanla n ninŋ i.

Buali

1. « B ŋman g be bunbɔnn n ninŋ » bua n maad be i ?

2. Yendu maad Kristo-yab k ban tien be i ?

3. Pɔl yen Barnabas tien be i ?

Yendu maam beglu pal n

Matieog 28 : 19

*Lann, gad man nhanduna doi kul, g te g niib n te n nquantieb, g
*wul'b nyum Baa yen Bija yen *Fonjanm sann po.*

Tunda 4 Naab (Ebro 9:13-14)

Maalm

Moyis n bo tie Israyel bid yudaan. U bo njan'm k ban gii kpi naajala yen pei yen nuabi g yid salg. Banm Suif-nba bo tu wul l bonkobd som i g njan k b tie Yendu salg. B bo tu tien lann yo Yendu n piin b biid. Yiesu n tie salg nba njan g dagd canyiin t ma yaa po. U som bo wul dapunponn po k lan piin t biid i. San kadaaog 19:34 maad g : «Yen l kul g sijenm n ninj yend tug kpann g cog u logl n ninj g som yen nyum nyie l youg.» T gii tuo salg nba k u yid t po, l ji g bual k tin bie gii kpi bonkobd g pad pada. Yendu di sugl t po k l maa Yiesu som dagd g bu fid g piin t biid.

Buali

1. Suif-nba bo kpi be i g yid salg i ?

2. T gii nja padpadu t ji baa tie be i ?

3. T gii tuo g gaal Yiesu k u tie t Fietua Yendu bu tien be i g dugn wano Yiesu som po i ?

Yendu maam beglu pal n

1 San 2 : 2

Wano Yiesu Kristo n tug u kua g yid salg k t biid n piin. L g tie tinm kukua yaa biid po kaa, ama l tie nanduna niib kul mo yaa biid po i.

Tunda 5 Nala lann i kaa yieli

(Matieog 9:20-22)

Maalm

Dogda-nba banj bona hal boncienn k l bu fid g sun yal nan t po. Dogda-nba gaal tunda g bu fid g sun niib tuonn lann i kaa g teb niib k ban paag yen nyogi nba k b die g teb niib. Ama yenn youg yielsai so niib lann i kaa janmi baad niib g bie hal boncienn, g dogda kan fid g teb. Dogda-nba nba nanm g mog banm mono n kan fid g teb yieli nba nyan, Yiesu nuan mog paalu g bu paag l danm. T gii tug t kua g kubn'o, t bu fid gii mog papaal k u baa nyuan t ninj. Yiesu n tie dogda-nba canbaa-nba mo yaa dogdcien.

Buali

1. Be n te g puo bo sii Yiesu i ?

2. Dogda-nba gii gbal t tebnu t bu tien nle i ?

3. Yiellanu po n be g Yiesu kan fid g te lan gbenn i ?

Yendu maam beglu pal n

1 Pier 2 : 24

Dapunpɔnn po i g Yiesu mɔno tuo g gaal t biid, g la fala, g biid n ji daa mɔg paalu t po, ama k tin gii be binbem nba njan g dagd Yendu po. Wan gaal yied nba u gbannand po nyan n tie i laafie.

Tunda 6 Kunkul (1 Pier 1:3–5)

Maalm

Kunkul maa wagl i u binbeunɔ n. L tie nyan gbankɔnɔl nyan i g lieg'o k u ninnanda n daa fid'o. Kristo-yab mɔ mɔg ninnand. Wano n tie Sitaan. Nand g Yendu tie kunkul gbankɔnɔl nyan, nnyan i k U tie t mɔ gbankɔnɔl k lan gii lieg'ti k t ninand Sitaan jakɔntied n daa nand'ti. Tin dug t Fietua Yonmdaan Yiesu Kristo po nyan, l tie gbankɔnɔl i g tieg g lieg'ti. L dindann yen Fonanm nba be t ninɔ guu'ti ni. T gii jaand g miɛd Yendu k wan gii guu'ti yen Sitaan. T gii

dug Kristo po t ji mɔg manfopaann i, diyenn t tan baa kpanm g dugn bonjana nba kul k u bil g guun'ti polu po nyan yaa po.

Buali

1. T gii dug Yendu po, u tien'ti be i g dugn u njanm po i ?

2. Tin tie Kristo yab nyan, Yendu bil be i g guun'ti ni ?

3. Yendu legn'ti nle i yen Sitaan jakontied i ?

Yendu maam beglu pal n

Efes 6 : 16

*Tug man dindann youg kul, k lan gii tie gbankɔŋɔl nba k i tu bu tegn g junn *Bonbiildaan n yeg'i pieni nba kul k l so muu nyan.*

Tunda 7 Kpajuug (Maatieog 12:25-28)

Maalm

Sienyoug, niib bo pug Baalsebuub, kpajui bad, lann i kaa Belsebuul, sanpola bad g yi'ug Yendu i, k u yen g tie.

Baalsebuub bua n maad g kpajui yonmdaan lann i kaa kpajui bad i. T kul ne, sua g bua kpajui maam k l maa banm n te g yieli yad naan kul. Niib nba bo pug Baalsebuub bo tie yal kul g balm'o k u pal n gii sɔŋɔ k lan te wan gii guu'b g

yubɔnn ń daa baad’b. G miɛd’o mɔno k wan tu te g yab nba
yiel ń paag. Yiesu kua n bu fid g paag’ti g fiel g nyan’ti
sanpola nui n ninɲ yen Foɲanm nba k u gaal Yendu buol.
Yendu tag bona boncienn k l bu fid g tod’ti tin paad yieli.
Tunda te g niib bann l bona i g dogda-nba ń gii die g suun
yenn k tin gii mɔg laafie. Yennaankad kan fid ban g te tin la
laafie.

Buali

1. Ɔmaa bo tie Baalsebuub i ?

2. Be n te k t bu mɔnd g yaan kpajui t buol i ?

3. Ɔmaa tag bona nba kul k b die g tie nyɔgi nba teb yieli i ?

Yendu maam beglu pal n

Maatieog 8 : 16

*L daal daajuoug k b baal yen niib boncienn g *sanpola ɲua’b. G
Yiesu bel g yaan l sanpola yen u mɔmaam paalu g bie paag
yienm kul.*

Tunda 8 Bonbuoli nba pa (Mark 4:26–29)

Maalm

Yiesu dugd g ɲɔɲɲ Yendu bal n tie nand tinɲ ne po. U bua k tin bul bonbuoli i wano ń te yal piɛ ń do g lon l luana. U yen maad'ti bonbulkalk buolu nle yaa maam i ne buol ne : bonbuolb nba pa tinɲ n ninɲ yen Foɲanm bonbuoli nba buul pal n ninɲ, lan tie Yendu maam. U yed k tin bul Foɲanm bonbuoli, g pag yen t dɔnn-nba yen t kunkuanyuag-nba, g ɲɔn'm Yiesu n bua tinm nand. Yab nba tuo g gaal Yiesu b pala n ninɲ nuan guan g mal munle po n nyan g kua Yendu diem n. Yendu mɔno n bu te g Foɲanm bonbuoli ń pa g do g lon luana.

Buali

1. Ɔmaa buul bonbuoli i ?

2. T ban nand nba k ban bul yal tu pa ii ?

3. Ɔmaa n tu te Foɲanm bonbuoli yen bonbuoli nba bul tinɲ n ń do i ?

Yendu maam beglu pal n

San 3 : 3

*G Yiesu ηmien'o : « Yen mɔni n maad'a, b gii g guan g mal nil munle po i kaa, u kan fid g la Yendu *diem. »*

Tunda 9 Taag (Maatieog 5:43-46)

Maalm

Yendu te g yendu nyigd baa yab g ban'o mɔno kpaand n g biε te g taag baa b kpaand n. U buam yen u sugl be yua kul po i, yua cɔlm'o, baa yen yua l g cɔlm'o mɔno. U bua tin gii tie nyan wano Yendu nyan i, gii piin yab l ηua'ti yen biεdm nyan sugl. Nil gii tien'ti yal g ηan, tin daa kpaan k tin tuu pann kaa, l tie tin gii jaand u po i, g kpaan tin bu tien nand g ηanm'o g pa l pann. T gii tie nyan t Baa Yendu nyan.

Buali

1. Yendu bua b le i ?

2. U bua k tin gii tie nyan ηmaa i ?

3. T bo baa tie be i t ninnanda po i ?

Yendu maam beglu pal n

Rom Kristo-yab 5 : 8

Ama Yendu nuan yen ηɔn'ti wan bua'ti nand, g dugn yaa youg nba k t daa bo tie biiddanm i, g Kristo gaal t po g kpe.

Tunda 10 Nuga (Galasi 6:7-10)

Maalm

Kpakuol gii kuo nuga, u baa guu k wan tan gbiil nuga i. U gii bul tiina i yaa, u tan bu piel tiina i. T gii tie bontetebiid tin gii guu k l bontitebiid tan bu ηuan'ti. Ama t gii bul Yendu maam t pala n yen t bid pala n, banm nba k t mɔg Yendu po yen u tuona po baa pugd i. T buul bɛ i t binbem n ninɲ yen t bid binbem n ninɲ i ?

Buali

1. B gii bul kpabda kpaab n, b tan bu ηmied bɛ i ?

2. T gii tie bontetebiid, bɛ n tan bu baal'ti nii i ?

3. T gii buul Yendu maam t pala n ninɲ bɛ n bu tien i ?

Yendu maam beglu pal n

Galasi Kristo-yab 6:7

Daa bɔnd man i kua, sua kan fid g laa Yendu. Nil kul n bul yal nba, u tan bu yend lann i.

Tunda 11 Dii (Luk 8:11-15)

Maalm

A gii bul dii kpaab n, l bu wai yo lan tan fid g be g dagd yendu. Yiesu maad San 4 : 36 n ninɲ k t gii bul Yendu maam nyan bonbuoli nyan t pala n ninɲ, tin tan bu yend yal baa tie miel nba kan ban g gbenn i. Yenn youg, t gii maad niib Yiesu laabamann po, b tu g bua k b cenɲ'ti. T tu jaand g daan k b bu tuo g gaal Kristo, ama k l yen naan Yendu laabamann bonbuolb nba k t bul b ninɲ nyan g pud g bual lan kpaad. Nyan tin tu juun nand gii guu dii kpaadu yen l benu nyan, nnyan i k t bu guul, gii jaand g mɔg papaal Yendu po g sua g yendu youg pund.

Buali

1. T bu bul be i t pala n ninɲ i ?

2. Be bonn i k t tan bu yend i ?

3. T gii nyuan k l tie nyan niib g bua k b gaal laabamann, t bu tien nle i?

Yendu maam beglu pal n

Galasi Kristo-yab 6 : 9

Lann, tin daa yed k t cɔg yen ŋanm tienu. G dugn t gii g wad t pala, daal gii pund t bu yend tin daan bul yal nba.

Tunda 12 Kpakonu (1 Korent 3:3–7)

Maalm

T gii kuo nuga, g kuo dii, g kuo muuli lann i kaa kpabda, l tie k tin gii jaand i g miɛd Yendu k wan te k lan pa g do k wan yad u yedŋanm t po k tin la jied. Yendu kukua n bu fid g te g bonpienn n do. U tu te yendu n nyigd l po, g te taag mɔ n baa. T Kristo ŋuanu n ninŋ, Yendu tu ŋɔn yua kul tuonn nba kul k u bu sun i. Sieb be g muand Yendu maam, g lieb be g tund yab gaal Kristo k l daa g wai, g sieb be jaandi po, g lieb be g tod Kristo-yab, yen yal l tenn kul. Ama Yendu kukua n te g Kristo-yua kul saa liig g pugd.

Buali

1. Korent Kristo-yab bo be nle i ?

2. Ɔmaa n tien Kristo-yua kul u tuonn i ?

3. Tuonbuollana n be i ?

4. Ɔmaa n te g bonn kul do i ?

Yendu maam beglu pal n

1 Korɛnt 3 : 7

*Lann, yua nba bul g tie siel, yua nba jɔg nyum mɔ biɛ g tie siel,
Yendu kukua n mɔn, g dugn wano n te k l pa g do.*

Tunda 13 Janŋ (San 6:5–13)

Maalm

T diid man naasenbig nba bo tuo k wano yen Yiesu n taan g di u jied. L bo g tie jied nba yab kaa, ama k u yen juab g tie Yonmdaan. U bo ban g kom tan bu suol'o g sua k u jied ji g be. U bulcind po, l ji bo g din wano kua kaa, ama l bo din niwulug mɔ. L g kua t nyuan tin mɔg yal k l ŋanm g waag yen lan gii tie bonmɔnn i. Ama t gii tug g tie Yendu, wano bu fid g tug lann g ŋanm niib boncienn. Yiesu bu fid g tɔgn big buol mɔno g tien niib ŋanm.

Buali

1. Yiesu bo tug be i g din l niwulug u ?

2. Yiesu bo tug lann g nobn jied k l ja nle i ?

3. L njonj'ti be i Yiesu po i ?

Yendu maam beglu pal n

Luk 3 : 11

K u njmien'm : « Yua n mɔg lieda njanle, wan bɔgd g te yua nba g mɔg. Yua n mɔg jied mɔ n tien nnyan. »

Tunda 14 Tingbann (Luk 9:37-45)

Maalm

Yiesu n yaan paag l big, u njon k u mɔg paalu g cie yal bi kul. Yiesu bua wan la k u njantieb dug u po i b binbem n ninj. U njantieb gii g dug u po, u pal tu wad i. Yiesu paa g cie sanpola. Yenn youg, u njantieb bo tu gbal yen ban tod lieb i. Nyan tin tie Yiesu njantieb nyan, Yiesu bua k tin gii dug u po k u tie Yendu bija. Yiesu pal bo wad g dugn u njantieb bo g bann wan tie yua nba. Lann i k u cil g tund g njonj'b wan bu kpe kubuolu nba. U njantieb bo kan fid g gbad wan maad yal nba. K tinm, t tuo g Yiesu tie Yendu bija

ii ? T dug Yiesu po g ban k u mɔg paalu g cie tingbana yen sanpola aa ?

Buali

1. Laabaal g Yiesu pal bo wad u nquantieb po i ?

2. Yiesu bo paag naasen nle i ?

3. Be n suol niwulug yaalidug u ?

Yendu maam beglu pal n

Dɔgdu 1:6

« g te k t tie Yendu badbijanm, g biε tie u Baa Yendu salg-yidkab. Yudand yen paacienu n̄ gii tie u yal youg n̄ tuu youg. Amenn. »

Tunda 15 Taacaad (San 13:1-5, 12-17)

Maalm

Dɔnnpaanu cilyoug, Suif-nba bo mɔg yonmi k b suun tuonkpiana b n̄ai n nin̄. Tuonsunna siign nin̄, yua nba k b bo g nyuan k u tie siel nyan n bo tu pid niib taacaad, g n̄uni b titala, g nyann̄ tangulun̄. Yiesu nquantieb siign nin̄ sua bo kan tuo g tien lann, g Yiesu yen tien. Yiesu bo tien g n̄ɔn'm ban baa tie nand i. U nquantieb baa tie yab suun lieb

po i. Matieog kadaaog 20 : 28 maad g : « L po n te g
*Nifosaal Bija baal. U g baal k wan gii kal g niib suun u po
kaa, u baal k wan gii suun niib po i, g bie yid u miel salg g
fiel niib boncienn. »

Buali

1. Yiesu tien be i ?

2. Wan tien nnyan nyan, l ηon'ti be i ?

3. Tinm Yiesu ηuantieb baa tie be i ?

Yendu maam beglu pal n

1 Pier 4 : 10

*I kul n gaal paab buolu buolu nba Yendu buol nyan, yua kul n
gii ban u paab kubnu, g tug l paab gii suun u lieb po.*

Tunda 16 Tolaanu (Maatieog 24:36-42)

Maalm

Yendu kukua n ban yaa youg nba g Yiesu bu guan tinj po
ne. U gii guan, u niib bu yied g tuog'o, nnyan i k banm yen
wano ji bu taan gii be polu po.

1 Tesaloniik 4 : 15 – 18 « ¹⁵Tin bu maad'i maam nba ne tie
Yonmdaan lanbona i : tinm nba tan baa be g mɔg miel

Yonmdaan guan youg, t tan kan fid g liid yab nba kpe. ¹⁶G dugn yaa youg nba g nielu tan bu tand g cab mɔb, niib bu gbad *maleg-nba cien nielu yen Yendu naatunn mɔni, l youg u g Yonmdaan mɔno bu nya polu po g jiid, yab nba bo kpe g tie Kristo-yab n cind g yied. ¹⁷L puol po, tinm nba bu tenn gii mɔg miel, Yendu bu tug'ti g nyan'ti, t kul n taan yen'm tawalband n ninɲ, g tuog Yonmdaan polu po. Nnyan i k t ji baa tund g be yen Yonmdaan. ¹⁸Lann, i paand man i lieb pala yen l maam. » L gii sua g puob banle to muuli, yua nba tie Kristo-yua nyan bu tuog u Yonmdaan i. Lua nba tenn nyan gii g tie Kristo-yua, u bu nyind i. Yonmdaan mutuol n bu baal yen fala nba tinɲ po nyan n lag l puo po, wan la fala nba g mɔg l liel. Yiesu bua k tin cegn g gbenn i gii guu k tin tuog'o.

Buali

1. ɲmaa kua n ban Yiesu n bu guan youg nba i ?

2. U gii guan be n bu tien Kristo-yab po i ?

3. Be n bu tien yab nba g ban g Yiesu tie Fietua i ?

Yendu maam beglu pal n

Matieog 24 : 42

Lann daa guand man, g dugn i g ban yaa daal nba k i

Yonmdaan bu baal.

Tunda 17 Jua yen u ŋaapuo

(Efes Kristo-yab 5:21-33)

Maalm

Yendu kadaaog ŋɔŋŋ’ti jua yen puo nba kuan lieb n bu tien nand g taan gii be k lan ŋanm gii ŋan. Puokuand nba ŋan tie yal nba g buam be l n, g yua kul kpaan youg kul k u lua i n gii cie’og. L buam n i g yend baa nyuan u lua k u tie yua nba mɔn u po g biɛ ban k wano n be u g bona sonm. L tie nyan buam nba g Yendu mɔg t po nyan i. Buam nba g Yendu mɔg t po te k u tug u Bija g yid salg k tin la sugl t biid po. L buam g tie k a baa kpaan yal man fin yaa po kaa, ama yal man a lua po. L buam gii be, l bu te naataann nba be i siign n daa mɔg paadu.

Buali

1. Laabaal k t baa jiind t kua t lieb buol i ?

2. Buam baa tie nle i k t puokuand lann i kaa t jakund n gii mɔg niimn i ?

3. T tien nle i g bann g Yendu mɔg l buam lienm t po i ?

Yendu maam beglu pal n

San 15 : 12

N mɔmaam n ne : I bua man i lieb nyan min bua'i nand nyan.

Tunda 18 Taacil (Maatieog 13:3-9, 18-23)

Maalm

Taacil n jaan tiina nand kpaab n nyan, nnyan i g Sitaan mɔ gbaa k wan gii jaan Yendu maam t pala n ninŋ. L tie k tin gii lii Yendu Kadaaɔg u, g banŋ g bie bil u maam t pala n ninŋ. L bie bual k tin gii jaand i g mied Yendu k wan gii guu'ti g Sitaan n daa yend t pala yen t maalm. 1Tesaloniik 5:23 maad'ti g : «Yendu nba te g nil yam dua mɔno n te k i binbem n dagd u po canyiin, g guul i munn kul, i tagm yen i nalnŋ yen i gbannand, k yin ji daa mɔg siel yaa jalgi daal nba k t Yonmdaan Yiesu Kristo bu guan.»

Buali

1. Taacila tie be i ?

2. Sitaan suun be i k b pua g kpabnd'o yen taacil i ?

3. T bu tien nle i g Sitaan n daa fid g jan Yendu maam t pala n ninḡ i ?

Yendu maam beglu pal n

Filiip 4:7

G Yendu laafie nba yab g cie nifosaal banm kul n te k i yam n gii dua g bie nyan yanbani i maalm n ninḡ g dugn Yiesu Kristo po.

Tunda 19 Samari puo be caal buol

(San 4:1-14)

Maalm

Sua kul bua nyum k wan nyu gii mɔg miel. Daal kul l bual g nyunpaanm i n gii kua t ninḡ. T kan fid gii mɔg miel k lann g be. T cicili mɔ kan fid gii fo, l gii g tie g Yiesu "nyum" nba tien'ti binbepaanm yen miel nba kan gbenn nyan baad daal kul g kua t ninḡ. L tie tin gii jaand daal kul i, g binbem nba k t be yen Yendu n gii tie t laafie. Nyan bid n kan fid g kpaad g g la nyum yen jied nyan, nnyan i k t mɔ gii ḡaa Yendu maam yen jaandi, t kan fid g kpaad Yendu nunḡ n. T

daa sɔgd yen t yul po jaandi, l bual g daal kul, sua kul n̄ gii nagd Yonmdaan, gii lii Yendu kadaaɔg g biɛ jaand.

Buali

1. Puo n bo bual Yiesu k l tien nle i k u tan miɛl wano Samari puo nyum k wan nyu i, Yiesu bo n̄mien'o be i ?

2. Puo bo mali g Yiesu bua n maad be i ?

3. Yiesu bo maad k u gii nyuu nyum nba k u tie'og, be n bu tien i ?

Yendu maam beglu pal n

Dɔgdu 22 : 17b

Yua g nyunnyuglu mɔg'o, wan baal. G yua bua nyum nba tien miɛl, wan baal g gaal faala.

Tunda 20 Nugl (Cilg kadaaɔg 1:11–12)

Lann i k u ji maad g tiidi yen muaɔg n̄ pa l tinɲ po, g yal pa kul n̄ lon g tien bim, tilondi mɔ n̄ lon g tien bina. K l tien nnyan. G tinɲ te g bonpakal piɛ, g mɔbuolu kul mal, g tien bim, g tibuolu kul mɔ lon u luana, k l tien bina. G Yendu diid g sua k l n̄an.

Maalm

Yendu tag bonpakal boncienn k lan gii tien'ti jied. B ninŋ, yenn-nba luon luana k t mua, g liel-nba nanŋ bim k t di, g liel-nba mɔ mɔg benda lann i kaa faad k t die g tie tin bua yal. Bance yen nuga mɔ tie jemɔndi g pa tinŋ n. T gbanu bua jeŋand i, k lan gii kuand'ti paalu g bie gii tien'ti laafie, k tin fid gii suun t tuona. T tien man Yendu balg l jied po. U tag l bonpakal g te k l kpaad t po i.

Buali

1. Yendu n yaan cil g tag bona, u tag be i daa ŋantaa daal i ?

2. Yendu tag l tiidi nle i, u mali be i wan tag yal po i ?

3. L bona kul ji bu fid g te tin bann be i k l nyuan Yendu po i ?

Yendu maam beglu pal n

Biyyani 104 : 14

Fin n te g muawg pa g bonkobd ŋman, g te g bonkukuod pa tinŋ n g nil n̄ gii nyann̄ u jied yal pa tinŋ n nyan ninŋ.

Tunda 21 Yiesu yad yedɲanm bid po (Mark 10 : 13 -16)

Maalm

Yiesu bo ban yen mɔni g bid mɔn boncienn Yendu po k u pal biɛ kɔn b po. Yiesu pal bo g manɲ youg nba k u ɲuantieb bo bua n bel bid k ban daa nagd u buol. Bid naa-nba bo baal yen'm g Yiesu n yad yedɲanm b po i. Yiesu ɲuantieb bo g gbad niimn g bid mɔ mɔn nyan b danm n mɔn nand nyan i. U bo maad u ɲuantieb k l bual k t kul n gii mɔg dindann yen papaal nyan bid nyan yo, g fid g kua Yendu diem n. Lann i g ji gaal'b u nui n ninɲ g yad yedɲanm b po.

Buali

1. Laabaal g Yiesu bo bua g bid n baal u buol i ?

2. Yiesu bo gaal bid nle i ?

3. T bu tien nle i g te nyan bid nyan i ? Be po i k t bu tien nnyan i ?

Yendu maam beglu pal n

Luk 18 : 16

*Ama g Yiesu te k b nagn yen'm, k u maad : « Ijaa man g bid n baal n buol, daa biel'b man, g dugn yab nba tie nyan banm nyan, Yendu *diem tie b yal i.*

Tunda 22 Kuunaanj (Luk 13 : 34)

Maalm

Yiesu bua wan legn u niib nyan kuunaanj n tu njugn u kuubid po nand g wad n daa kua'b, g yubɔnn mɔ n daa baal'b nyan i. T gii yie k u g tie t Fietua, t tie nyan kuubid nba tu yie k b kan kua b naa kpinkpana n ninj g wuon nyan i. Finfenn tu fuun g baal g pua banm i g daan di. 1Pier 5 : 8 maad'ti g Sitaan tie nyan yanbɔl nba lin g njund nyan i g kpaan k wan njman'ti. Yiesu n yaan bo cab u gbanu k b yid salg nyan, u bo legn t po i. T gii tuo g Yiesu tie t Fietua, g biɛ be u po, t ji wuo n nyan, Sitaan kan nand'ti.

Buali

1. Serusalem yab tien be i k l dagd g Yiesu n tun'm biid i ?

2. Yiesu n bo mali banm Serusalem yab po, u bo nanj'b yen be i ?

3. Serusalem niib bo sun nle i yen Yiesu maalm nann i ?

Yendu maam beglu pal n

2 Tesaloniik 3 : 3

*Yonmdaan g tie mɔi nle daan kaa, lann u bu te'i paalu g guul'i yen *Bonbiildaan.*

Tunda 23 Polupaann (Dɔgdu 21 : 1 – 4)

Maalm

Polupaann yen tinpaanɲ tie Yendu puoni nba njan i paaa Kristo-yua po. Esaayi kadaaɔg n, l dien g maad g polu po, pamann kua n tan baa be naan kul, g niib be b yam n. Bubuul tan kan gii be l yaa buol g bual sua n tan gii yign g tua : « Baal g fiel'n man ! ». Sanpandi ji tan kan gii kpenn. T tan baa pug Yendu i polu po, g dond'o g taan sann nba k wano kukua dagd yen ban gii yi'ug. Puoni nba njanm g gbenɲ tie g naataann nba be tinm yen Yendu siign baa sonm njanu. L naataann baa tie g Yendu yen'ti, g biɛ tie t Yendu. L naataann niimn tie g ninsiid yen gbannanyegdu ji kan gii be, g bual bubuul yen fala n gii be, g ji bual kuum n gii be. T tan baa be pamann yen kpinkpanmug n ninɲ i. L puoni tie youg nba baad yaa yal i. T mɔnd g bann Yonmdaan Yiesu g tan fid g njan'o g do Polu po.

Buali

1. San bo la be i ?

2. Ŋmaa tan baa be yen u niib i ?

3. Be bona n ji tan kan gii be t po polu po i ?

Yendu maam beglu pal n

Dɔgdu 21 : 4

U bu fiɛl b ninsiid kul, kuum ji kan gii be, kububuul ji kan gii be, finfabni ji kan gii be, fala ji kan gii be k l maa ŋandunkpel po juab o.

Tunda 24 Pagubl (Maatieog 6 : 25 – 33)

Maalm

Nand n ninŋ mɔg yal k t gbanu bua. L gii kua t gbanu n ninŋ l bu te k t gbanu n gii yabd g pugd, g biɛ kuand bonpaana t gbanu n. L bonn b yi proteyinn i. Yendu tie'ti bonkobd boncienn k tin gii ŋman b nand. T bu fid g tug bonyugda, koli yen kpaani yen bonkobd k lan te t jied. Yal ŋanm g tie bonmɔnn n tie jied nba g Yendu tie k t nalnŋ n gii di. Yendu kadaaɔg, lann nba tie U Maam n tie t nalnŋ

jied. Lan bual k t gbanu n gii laad jied nand daal kul g fid
gii pugd g biε pandl nyan, nnyan i k l bual k t gii dinŋ t
nalnŋ mɔ daal kul. T gii tund Yendu maam g saa liig t bu la
g Yonmdaan ŋalbalg pugd t ninŋ, k t band'o g pugd.

Buali

1. Be po i k l g dagd g Yiesu ŋuantieb n gii fabn jied yen
bonnyukal yen tieliεkad po i ?

2. Kristo-yab bu kpie g kpaan be i ?

3. Yiesu puon k l gii sua k t daa cind g tuo Yendu bal g tuag
u mɔmaam sɔnu, u bu tien be i ?

Yendu maam beglu pal n

Maatieog 6 : 33

*Yinm nuan n cind g tuo Yendu *bal gii tuag u mɔmaam sɔnu u,
g yal nba tenn kul, u bu pugni.*

Tunda 25 Talbann yen talbanpieni

(Efes 6 : 14 – 18)

Maalm

B daa bo g tag Tindafagd yen tindajinjani youg nba k b bo da Yendu kadapaaɔŋ. Sije n bo baa die yal g saa kunkɔnn bo tie jugfuaɔg, kpann yen talbanpieni i. U bo tu jɔn u jugfuaɔg gbann nba k u yuo sieg n nyan po i. U bo tu yil kudfeglg i, g lie kudliedl g legn pal. U bo tu fuon yam g pil taacaad nba paa i. Nnyan, u tan kan ŋad. U bo tu kpal u gbankɔŋɔl nuuganɔ i, g pua g piɛd piɛni yen kpana nba k b to. Tinm Kristo-yab nuan, jaandi n tie t jakɔntied. Tinm nba be Yendu sijenm siign, t die t jakɔntied kul ii ?

Buali

1. Yendu kadapaaɔŋ dienyoug, tindafagd yen tindajinjani n daa bo g be, b bo die be i g saa kunkɔnn i ?

2. B bo tu legn b kua yen be bona i ?

3. T bu bob be i lan guul'ti yen Sitaan i ?

Yendu maam beglu pal n

Efes 6 : 11

*Juab man Yendu n tie'i jakontied nba kul, g fid gii sie k l paa, g nya *Sitaan ninfansoni n ninŋ.*

Tunda 26 Waaɔg (Dɔgdu 12 : 7 – 9)

Maalm

Yendu kadaaɔg n b paa g yi Sitaan i waaɔg. Wai biɛ paaa. B tu maad'ti k b bo bel Sitaan polu po i g lu'ug tinŋ po ne. L buol i k u bign Adam yen Ef k b yie g ji g cɔln Yendu. Lan cil l youg , Sitaan bignd niib i. Diyenn, daal nba g Yendu bu bu buud, Yendu bu jiel u buud. Sitaan ji kan ban g bign'ti. T ji bu foi yen'o, g foi yen tuonbiid nba k u suun.

Buali

1. Cilg youg Sitaan bo tu be le i ?

2. U suun be i tinŋ po ne i ?

3. Be n tan bu baal i ?

Yendu maam beglu pal n

San 3 : 17

*G dugn Yendu g sun u Bija ηanduna n ninη k wan bu ηanduna niib kaa, u sun'o g ηanduna niib n la *fielu g dugn u po i.*

Tunda 27 Pawann (Maatieog 28 : 18 – 20)

Maalm

Pawanbig g paa baa waam nne. U g ban wan bu ηman muaog nand, u bie g ban wan bu la nyum naan g nyu. L tie k u naa i n gii muand'o biil g bie ηonη'o bona u ninnanda po. Niib nba te Kristo-yab k l daa g wai tie nyan pawanbid nyan i. L tie k ban ηub'b yen Yendu kadaaog n maam nba tie biim nyan i, saa yen ban tan bu bann g mɔ n gii lii b yul po. L tie k ban tund'b i k ban bann ban bu tien nand k b ninnand Sitaan n daa fid g suol'b. L bual g nil n gii be b buol i g tod'b g bie te k b banη. Yab te Kristo-yab k l wai baa tie yab nba cie g dagd i canyiin Yonmdaan n ninη g bu fid g mɔ n tund lieb, g bie gii tie binbiug nba ηan yab daa baal saand g te Kristo-yab nyan buol.

Buali

1. Be n bual yab te Kristo-yab k l daa g wai po i ?

2. L bo bual k b l e i n gii nyuan yab te Kristo-yab k l daa g wai nyan po gii tod'b i ?

3. B bo tie Yiesu be i ?

Yendu maam beglu pal n

1Tesaloniik 5 : 11

Lann, i tod man i lieb gii paand man i lieb pala nyan yin l tie nand nyan.

Tunda 28 ņuabi (Maatieog 25 : 31 – 34)

Maalm

Yiesu n tan bu guan, l ji baa tie k wan bu t buud i. U pei tie yab nba cɔlm'o g ņuan'o i. U bu gaal'b Yendu ņaag n ninŋ i, g pa'b b pani. ņuabi tie yab nba yie g be ban bua nand g nund Yendu yen fielu nba k u tie niib i. Yal bu baal'b tie k b bu bel'b k ban fagd Yendu buol. Banm ji baa be yen Sitaan yen u sanpola i bina nba ji g mɔg po. T tie u pei daa bii, t tie ņuabi i ?

Buali

1. Yiesu tan gii guan, u bu tien be i ?

2. Yab nba tie pei nyan nyuad baa tie be i ?

3. Yab nba tie nuabi nyan nyuad baa tie be i ?

Yendu maam beglu pal n

Maatieog 25 : 34

*L youg bad nann n ji maad u nuujendu yab : “ Baal man, yinm nba k n Baa tie’i u *njalbalg. Baal man, njaag ne tie i faal i, u bo bobn lann i, i po, g sua nanduna daa g cil.*

Tunda 29 Pei (San 10 : 14 – 18, 27 - 28)

Maalm

T gii tuo Yiesu yiinu g biε cōlm’o, Yiesu yi’ti u pei i. Yiesu n tie pekpaamōn nyan, u bo tuo g yid u miel salg u pei po.

Yendu bo tuod g bobn k u bija n tie pejag nba k b bu tug g yid salg t biid po. Yiesu bo tie yam i g cōln u Baa mōb. U tug u miel i g tie t yaa po. T bu fid g nōn k t tien l njanm g tug t kua g cab u tuonn po.

Buali

1. Yiesu “pei” suun be i ?

2. Yiesu tien nle i g ɲɔn k u tie pekpaamɔn i ?

3. T bu tien nle i g ɲɔn Yiesu k t tien ɲanm nba k u tien'ti ni ?

Yendu maam beglu pal n

San 10 : 27

N pei gbie n nielu. N ban'm, k b ɲua'n.

Tunda 30 Jiennɲ

(San 1 : 35 – 43 yen 3 San 9 – 11)

Maalm

Bonyugda nba ɲanm g ban tintogdi g be t nibɔna doug ne, jiennɲ tie b ninɲ yend i. B bu fid g banɲ'o maam. L g tie k l bonyugda bu fid g togd lanbonn nba kul k b yed kua kaa, b bie bu fid g togd fubuolu boncienn. B tie yab ban tintogdi paaa **iii**. Tin tie Kristo-yab nyan, l tie k t daa togd Kristo yo, g yuand g togd Kristo-yab nba mɔ be g jie Yendu g suun tuonɲana nyan. T kan gii togd bontitebiid nba k t laad g niib tie nyan. Tuonbanɲa tu bu togd b canbaa i. I gii tuo Yendu yiinu, l tie yin bann g Yiesu n tie i canbaa. A tie Yiesu ɲuantua i. A bigd k ɲan togd Yiesu ii ?

Buali

1. Jieni bu fid g maad be i ?

2. T baa togd nmaa i ?

3. T tie nmaa nquantieb i ? Nquantua bu tien be i ?

Yendu maam beglu pal n

San 13 : 34

*I gii bua i lieb i, g niib kul bu bann k i tie n *nquantieb. »*

Maatieog 10 : 24

I ban g yua banj tuonn kan fid gii cie u canbaa, yonm mo kan fid gii cie u yonmdaan.

Tunda 31 Dingbana (Luk 9 : 1 – 6)

Maalm

Yiesu bo sun u nquantieb dingbana kul n ninj k ban muand niib Laabamann. Yiesu bie daa l suun u tuonsunna nanduna n ninj, k ban maad niib nba g ban Yendu yen u Bija Yiesu Kristo, Yendu buam maam. L tie k tin pag yen niib Laabamann po i. B gii gaal l Laabamann g dug Yiesu po, l bu te k ban gii mɔg miel nba kan ban g gbenn i. T gii g maad'b b baa be bunbɔnn n ninj g ban Yendu.

Buali

1. Yiesu suun tinm yab tie u nquantieb ne le i ?

2. T bu maad'b be i ?

3. T gii g maad'b be n bu baal i ?

Yendu maam beglu pal n

Mark 16 : 15

*Lann i g maad u nquantieb : « Gad man nhanduna munn kul po, g muand niib kul, n *Laabamann.*

Tunda 32 Bonkobd (Tuona 10 : 9 - 16)

Maalm

Yendu bo te g Pier nunŋ luod k u nɔn'o bonkobd kul g maad'o k wan daa nyuan k l bonkobd tie jɔgnd bonn g dugn wano n tag'b. L tie nnyan i yen niib mɔ, k l maa wano Yendu n tag nil kul, wan tie buolu nba kul, wan tie cugl nba kul nil, yen yaa diem nba kul ninŋ yua, yen wan l maad mabuolu nba kul. Yendu n tag b kul k ban gii ja, k u nɔnm nba k u tie niib n' gii tie b kul yal. Yendu luod Pier mɔno yaa nunŋ k wan fid g gbad wano Yendu n yaan bua bona n' sonm nand i. U bo bua g Pier n' muand niib kul u

Laabamann i, g daa dagd yab tie Suif-nba kukua buol, g yed g Fielu tie b kua yal i. Lann t mɔ, l tie tin pund niib kul buol i yen Laabamann, yab be kɔmaan yen yab be fagm kul.

Buali

1. Pier bo gad le i g bu jaand i ?

2. Be n tien g Yendu bo luod Pier nunŋ g ŋɔn'o bonkobd i ?

3. Tinm yen b le n baa taan g bɔgd Laabamann i ?

Yendu maam beglu pal n

Maatieog 28 : 19

*Lann, gad man ŋanduna doi kul, g te g niib n te n ŋuantieb, g *wul'b nyum Baa yen Bija yen *Fonŋanm sann po.*

Tunda 33 Yanbɔl (1 Pier 5 : 8 – 9)

Maalm

2 Tesaloniik 3 : 3 maad'ti g Yendu g tie mɔi nle daan kaa, lann u bu te'ti paalu g guul'ti yen *Bonbiildaan. T daa bu wuon t kua Yendu buol i. Yiesu n bo kpe dapunpɔnn po k t la wunwuonbuol. U sɔm nba bo nyie nyan n tie t wunwuonbuol. Dɔgdu kadaaɔg n ninŋ 12 : 11 maad'ti k t

paad Sitaan g dugn Yendu pebig, Yiesu Kristo som po i, yen maam nba k t maad niib buol g ηon Kristo n tie yua. T gii ηon k t dug Yiesu po, t bu la k u guu'ti nii.

Buali

1. Be po n te g Yonmdaan g tie moi nle daan i ?

2. Le n tie t wunwuonbuol i ?

3. T bu tien nle i g paad Sitaan i ?

Yendu maam beglu pal n

Saak 4 : 7

*Lann, tug man i kua g cab Yendu, g yie *Sitaan k wan san g fagd yen'i.*

Tunda 34 Bad

(Dɔgdu 19:11-16, 20:1-2, 7-10)

Maalm

Yiesu n tie badcien batieb kul siign. G dugn wano n tie kpanbala kul Bad, g tie yonmdanm mɔ yaa Yonmdaan. U bu paad Sitaan yen yab nba kul l ηua'ɔg. Yab ηua Yiesu g g mɔg munle-le bu paad Sitaan yen u maleg-nba kul. T gii

lugd k t baa ŋua Yiesu, g tuo yen t pal kul k t baa l tie wano kukua yaa yab, t baa be yagl nba yab paad po i, bonŋann yen bonbiil kunkɔnn ne ninŋ. Youg nba k b bu lu Sitaan yen yab nba ŋua'ɔg buoug nba ninŋ g muu so g kan ban g junŋ, tinm nuan baa be polu po i yen Yonmdaan.

Buali

1. Ŋmaa n te k t paad Sitaan i ?

2. T bu tien nle i gii be yagl nba po paad i ?

3. T gii be yen Yiesu g g mɔg munle-le t tan bu gad le i ?

Yendu maam beglu pal n

Dɔgdu 22 : 12

G Yiesu maad'n : « Diid a, n baad mɔlane, g die sua kul tuona nyuad g bu pa'ɔg nyan wan sun nand nyan.

Tunda 35 Tiidi nba luon luana

(Maatieog 3 : 8-11)

Maalm

San Nyunwultua bo muand niib Yendu laabaal. U bo maad'b k ban lebd b binbem. G Yendu buud youg nag, k u bu bu

tuonbiid kul buud. Yendu guu g Kristo-yab n lon luannann i. Tin bu lon luann nba sana be Galasi kadaaog n 5 : 22. Lann n dien g bil tinj nyan, t bu juab lann i g bil t pala n. T gii g te g Fojanm tod'ti k t lon l luana, tin gii jie Yendu pieg. L tie k tin lebd t binbem i g cab g Fojanm n gii nmagd'ti t binbem kul n ninj.

Buali

1. B yed k t tien be i lanmbid 8 n ninj i ?

2. Tiidi nba g luon luannana be n bu baal'b i ?

3. Nmaa n bu wul'ti yen Fojanm i ?

Yendu maam beglu pal n

Galasi 5 : 22

*G nyaan *Fojanm nuan gii nmagd nil, wan bu te l daan yal nba u binbem n ninj n ne : u baa bua u lieb, g be pamann n, k u yam dua, k u pal sonj, k u tod lieb, g tie njam, g niib dug u po.*

Tunda 36 Sual, tadi, boba

(2 Timote 2 : 20-21)

Maalm

B tu maa boba k l g ja ja. L boba tuona g taa taa. Yendu tag'ti g sua n daa taa yen lua i. U mɔg wan mali yal nil kul po i. Sua g be g naan yen'a g daan gbenn. Yendu mɔg wan bobn yal a po i. Bobjɔgnn g mɔg siel yaa buam saa yen youg nba k l jɔgnd nyie g gbenn. L gii sua k t bua tin gii mɔn Yendu po, l tie tin nɔd t kua g nya biid n ninj i. T gii tie nnyan kua i g Yendu bu fid g tug'ti g sun tuonmɔna nba k u bo bobn.

Buali

1. Yendu kadaaɔg laabaal nba k t lii ne ninj, tadbuolu lann i kaa bobbuolu ŋanŋaa n be i ?

2. Nil bu tien nle i g fid gii mɔn g be sel po i ?

3. Nil gii nyie jɔgnd n ninj be i k u bu tien i ?

Yendu maam beglu pal n

2 Korent 7 : 1

N dɔnn-nba, lann tin la l puoni kul ne nyan, tin ji mɔnd g ŋuul g

nyan yal nba l tie jɔgnd kul t gbannand n ninɲ yen t pala n ninɲ, t jie Yendu g ɲanm t kua g gbenn canyiin.

Tunda 37 Muu (Saak 3 : 5-6)

Maalm

Yenn youg muu tie bonmɔnn i. T bua muu tin tien t jied. Ama l ji tan gii waad, l bu biil tuona boncienn. Yiesu maad g lanm mɔ tie nyan muu nyan i. T bu fid gii tugd'o g yiin yani g pag Yendu. T bu fid g maad niib Yiesu maam. Ama t gii g ban t bu fid g biil bona boncienn. T gii sugl nil k u tie jadug lann i kaa k u tie tondaan, t maam tu kua'ɔg u. L bual k tin gii maad maam nba paand t lieb pala i. L tie tin gii tien g Yendu cenɲ tin maad yal, k u tan bu bu'ti yal nba k t maad kul po.

Buali

1. Be youg po i g muu tu tan te bonbiug u ?

2. L tien nle i k b yed k t lanm tie nyan muu nyan i ?

3. T bu tien nle i k t lanm n daa tie nyan muu nyan i?

4. ɲmaa tan bu jiel buud tin maad yal kul po i ?

Yendu maam beglu pal n

Maatieog 12 : 37

G dugn l daal a maam n bu te ŋan la mɔni, a maam n biɛ bu te ŋan luol mɔni mɔ.

Tunda 38 Finfenn (1 Pier 3 : 10 -12)

Maalm

Finfenn tie bonyugdl nba k u ninbina man paaa nii, g bu fid g la wan kpaan k wan suol yal k l be hal fagm. U bu fid g kpaag do hal polu g biɛ l gii nyuan bona nba tie bonbid-bid g be tinŋ po ne. Bonfuoda nba waa waa tu san g kua fali i, kuunaani mɔ n ŋugn b kuubid po g finfenn n daa fid g la'b. Ama siɛl yen g wuo Yendu yaa buol. T gii bua tin tien nand kul g yed k tin wuon bontitebiid, Yendu nuan bu l la i. 1
San 1 : 9 yed k l gii tie k t tuo g maad Yendu nunŋ n k t biil, u bu di sugl t biid kul po.

Buali

1. Kristo-yab bo baa tie nle i ?

2. Yendu tie be i Kristo-yab nba g kand u mɔb po i ?

3. Yendu tie be i yab suun biid po i ?

Yendu maam beglu pal n

1 Pier 3 : 12

*G dugn Yonmdaan nunj tuol *nimɔnm po i, k u tuba gbien g cenj b jaandi. Ama g yen kɔn yen yab tie bonbiil.*

Tunda 39 Fiiunɔ ((Saak 3 : 13 -15)

Maalm

Fiiunɔ ninnaɔnɔ nba mɔg nyuadl, yen ninbingbenja nba koni nyan po te yenn youg k b die'ɔg k u tie yanfuom yaa binbiug. Ama Saak maad g ɔanduna n ninɔ yanfuom g tie polu po yal kaa, k l g nyie Yendu buol kaa, k l nyie nifosaal buol i yen Sitaan buol g kuand'ti biid n ninɔ. L tie tin gii lii Yendu kadaaɔg u gii gaan Yanfuom nba nya Yendu buol. T gii lii Yendu kadaaɔg, g jaand g miel'o k wan tod'ti k t gbad u maam, Fojanm be g bu te'ti yanfuom nba k t kpaan. San 16 : 13 yed g Fojanm bu ɔmagd'ti mamɔni kul ninɔ. Lann t kpaan man Yendu yanfuom.

Buali

1. Laabaal g niib mali g fiiunɔ tie yanfuom binbiug u ?

2. ɔanduna ne yanfuom saa yen tinm le i ?

3. T bu tien nle i g ji gii mɔg yanfuom nba tuag mamɔni sɔnu i ?

Yendu maam beglu pal n

Saak 1 : 5

I ninɲ ne l gii tie g yanfuom pɔd sua, wan miel Yendu k u bu te'og. K l maa Yendu tien yua kul yen bulcind, g g jalg baa sua.

Tunda 40 Sanpandi (Maatieog 1: 18 -21)

Maalm

Yiesu malu bo be jieg i canyiin k l maa u naa Mari daa bo g ban jua. Bonn nba tien ɲanduna ɲaag ne g mɔn paaa g cie bonn kul n tie g Yendu sun u bija k u baal g tie sanpandg. L big b bo yi'ug Yiesu i, k l niimn tie g “Yendu fe niib”. Wan bo te nisaal nyan, u tuonn bo tie k wan tug u miel i g yid salg g fiel niib g nyan'm b biid n.

Buali

1. ɲmaa n bo tie Yiesu naa a, u bo tien nle i g suol puol i ?

2. ɲanduna ɲaag ne be n bo tien g mɔn paaa g cie bonn kul i ?

3. Yiesu sann bua n maad be i ?

Yendu maam beglu pal n

San 3 : 16

L kon tie mɔni i, Yendu buad ηanduna niib hal boncienn, g tan tie u Bijayenml, g yua nba dug u po kul wan daa biel kaa, k wan gii mɔg miel nba kan ban g gbenn.

Tunda 41 Duoli (Mark 5 : 1 – 15)

Maalm

Sanpola nba g mɔg dugl n bo ηua l jua, g sua ji kan fid g gɔgl'o wan kal suoo. Ama Yiesu yen bo paag'o i g bel sanpola k b ηaa'ɔg g gad g ηuan duoli. L duoli bo tie duokul i, g yab paaa g sie g g fag yen l buol. Yiesu mɔg paalu i canyiin sanpola kul po. Yen Sanpola n bo l yab nand kul g ηua jua ηano, l bo g maad Yiesu nuan baa siel. Yal l be g fo g g mɔg gbannand kul cɔln Yiesu i. Wano n tie batieb kul Bad, g tie yonmdanm yaa Yonmdaan.

Buali

1. Be po i g sanpola bo ηuan duoli i ?

2. ηmaa kua n mɔg paalu sanpola po i ?

3. L tien nle i k u mɔg l paalu i ?

Yendu maam beglu pal n

Filiip 2 : 10 -11

g yab nba kul be polu po yen tinŋ n ninŋ yen tinkpiug po, gii gbad wano Yiesu sann, ban gbaan dunn, g sua kul ń bie maad k wano Yiesu Kristo n tie Yonmdaan k lan gii tie t Baa Yendu dondl.

Tunda 42 Pienn (Tuona 9 : 19b – 25)

Maalm

Pienn tie bonmɔnn i paaa. Damas Kristo-yab bo tug pienn i g lol kpancubug, g tien Sɔl l n ninŋ g jiin'o guonn nba bo lind doug nyan, k u fid g nyie g ciel. Sɔl bo lebd g gaal Kristo, g mɔ ji muand Laabamann. Damas Kristo-yab ɲann n bo fiel u miel. Sɔl i k b bo tan yuand g yi'ug Pɔl. U ji bo te Yiesu Kristo Laabaal mamuandgbennl i. L bual k tin gii tod t lieb i, yenn youg lann n bu te tin ciel. Tin tie Kristo-yab nyan, t taan g tie Yendu ɲaag n ninŋ niib i. Lann, l bual k tin gii nyuan t lieb n ninŋ i.

Buali

1. Damas Kristo-yab bo tien be i yen pienn i ?

2. B bo gii g tod'o, be n bo bu baal Sɔl i ?

3. L tien nle i g Kristo-yab baa tod b lieb i ?

Yendu maam beglu pal n

San 15 : 12

N mɔmaam n ne : I bua man i lieb nyan min bua'i nand nyan.

Tunda 43 Kpaddindieɔg/kpaljinjieɔg

(2 Pier 3 : 17 -18)

Maalm

Nyan kpaljinjieɔg n tu pua gungund gii so kpajui nyan, Sitaan kpaan k wan gii bilg'ti died i g so'ti. T binbem n ninɲ, u te g bona boncienn baad g bignd'ti. U bu fid g sun nil wan baal g te k t pal n be g pend. T gii g dii sugl l daan po, g nyaan be yen l pabienn, t baa Sitaan dieɔg n ninɲ n nyan. Yiesu maad'ti Maatieog 6 : 15 g "Ama i gii g di sugl niib po, i Baa Yendu mɔ kan di sugl i biid po." T gii miel Yiesu u bu tod'ti k tin pi t ditai sugl. T bie bu nya Sitaan died n ninɲ k l kan suol'ti. Bignn kul nba k t nyie l ninɲ, l tu te tin njanm g paag i, g bie njanm g te Kristo-yab nba cegd g pugnd. Mɔnd man gii band t Yonmdaan Yiesu Kristo, t Fietua g pugnd, k u njalbalg n gii pugnd i binbem n ninɲ.

Buali

1. Be n te g Pier maad yab nba bu lii u kadaaog k ban gii ceg b kua po i ?

2. Kristo-yab bu tien nle i gii ceg b kua po g daa kua kpiedu n i ?

3. Pier juod g tie yab nba bu lii u kadaaog cegllani po i ?

Yendu maam beglu pal n

1 Korent 10 : 13

Bigna nba baal'i tie yal nba bu fid g baal nifosaal kul i. Yendu gii puon k u bu tien yal nba u tu tien i, u kan nja baal nba cie i paalu n baal'i. Bignn bie gii baal'i mɔ, u bu nɔn sɔnu nba k i bu tɔgn g nya l n ninɲ, g te'i paalu nba k i bu fid g juun.

Tundl kul jiinu

Tundl 1 Tiig (Dɔgdu 22:1-2)

1. B bo g cɔln Yendu.
2. B ji bo buon yiko nba bo cab'b k ban gii mua tiig nba tien miel nyan luana i.
3. L be polu po.

Tunda 2 Saab (2 Timote 1:6-7)

1. L tie ŋan gii kud saab g biɛ gii tiig muu.
2. T bu buon t pamann i, t lieb nba kaan g lind'ti kan bann Kristo.
3. K l maa Foŋanm nba be t ninŋ gbien paalu yen buam yen juunn t ninŋ.

Tunda 3 Jab banle (Tuona 13:3-4)

1. L bua n maad k b g bann g Yiesu n tie b fietua/yua bu faab'b.
2. U maad k ban sun niib k ban muand U Laabamann dingbanfana n ninŋ.
3. B muand Laabamann i g biɛ luod Kristo-yab tintaanbuol.

Tunda 4 Naab (Ebro 9:13-14)

1. B bo kpi naajala yen pei yen ŋuabi i.
2. T mɔg Yiesu k u wul u sɔm dapunpɔnn po t po.
3. Yendu bu di sugl t biid po i.

Tunda 5 Nala lann i kaa yieli (Maatieog 9:20-22)

1. K l maa u bo ban k u gii sii'ug u bu paag.

2. T bu jaand g miel Yiesu i.
3. Yielu g be g Yiesu gii bua k u kan fid g te lan gbenn.

Tunda 6 Kunkul (1 Pier 1:3-5)

1. U tien'ti manfopaann i.
2. Yendu bil bonɲana nba g mɔg k l biil, g g mɔg k l jɔgn g biɛ g mɔg k l nyilgu dual g guun'ti polu po.
3. U tu te g dindann yen Foɲanm i n legn'ti nyan gbankɔnɲl nyan.

Tunda 7 Kpajuug (Maatieog 12:25-28)

1. Yennaankaɔg (Kpajui bad) g niib bo pug'o.
2. K l maa b tabnd t jied po g te g yieli yad naan kul.
3. Yendu n tag.

Tunda 8 Bonbuoli nba pa (Mark 4:26-29)

1. Nil.
2. N n.
3. Yendu.

Tunda 9 Taag (Maatieog 5:43-46)

1. U bua yua kul i, yua bua'ɔg yen yua l g bua'ɔg kul.
2. U bua k tin gii tie nyan wano nyan i.
3. T baa jaand b po g biɛ gii tie'b ɲanm kua.

Tunda 10 Nuga (Galasi 6:7-10)

1. B tan bu ɲmied kpabda i.
2. L bontitebiid tan baa ɲua'ti nii.

3. T baa ŋanm g band Yendu g pugd, g laad u tuona g pugd, g biɛ ŋanm g bann wano Yendu n tie yua nba.

Tunda 11 Dii (Luk 8:11-15)

1. T bu bul Yendu maam i t pala n ninŋ.
2. Miel nba kan ban g gbenn.
3. T baa jaand i g guu g Yendu n te k ban gaal l laabamann.

Tunda 12 Kpakonu (1 Korɛnt 3:3-7)

1. B bo gbie yen nanŋ yen kunkɔna i nyan ŋanduna n ninŋ yab nyan.
2. Yendu
3. Gii muand Yendu maam, gii jaand, gii kun mɔni yal tien po, gii tod yab suun Yendu tuona, gii suun niib po, gii tod niib,...
4. Yendu.

Tunda 13 Janŋ (San 6:5-13)

1. Naasenbig kpanu ŋanmu yen jani yinle.
2. L bo yab g niib kul dii g buo g yal tenn biɛ gbie kpancubd 12.
3. K u bu fid g tug tin tie'og yal g sun yaalidug tuonn yenn.U bua'ti g nyuan'ti ninŋ g biɛ nyanŋ'ti t payieni n ninŋ.

Tunda 14 Tingbann (Luk 9:37-45)

1. B dindann n bo g yab po i.
2. U bo fu yen sanpola i g bel g yaan'm naasen n ninŋ.

3. Yendu paalu.

Tunda 15 Taacaad (San 13:1-5, 12-17)

1. Yiesu ŋuul u ŋuantieb titala i.
2. L ŋɔn'ti mɔ tin baa tie nand i.
3. T baa tie yab suun lieb po i.

Tunda 16 Tolaanu (Maatieog 24:36-42)

1. Yendu kua n ban.
2. B bu do polu po g daan gii be yen'o.
3. B baa be i g laad fala. Yendu bu ŋmal b tubl g dugn b biid po.

Tunda 17 Jua yen u ŋaapuo (Efes Kristo-yab 5:21-33)

1. Tin cɔln Kristo k u biɛ bua'ti nyan po.
2. L baa tie buam nba nyuan a lua k u mɔn i, g biɛ gii kpaan k a lua n bua yal n kpiɛ g tien yen a yal.
3. T ban, k l maa u yid u Bija Yiesu salg t po.

Tunda 18 Taacil (Maatieog 13:3-9, 18-23)

1. B jaan tiina i kpaab n.
2. U gbaa k wan gii jaan Yendu maam i t pala n ninŋ.
3. T baa jaand i g miɛd Yendu todl.

Tunda 19 Samari puo k u be caal po (San 4:1-14)

1. « A bo gii ban Yendu paab, g ban yua nba maad'a k a te'og nyum k wan nyu ne, fin mɔno n bo bu miɛl'o k wan te'a nyunŋanm. »

2. U bo mali g Yiesu baa bua n te'og nyunbunbunn i, k wan ji daa baad caal po g lu nyum.
3. Yiesu bo maad'o k u bu te'og nyunbunbunn nba g miel nba kan gbenn baa buni g nya l n ninŋ i.

Tunda 20 Nugl (Cilg kadaaog 1:11-12)

1. Bonpakal yen tiidi yen yal l naan nyan mɔbɔnn nyan.
2. U bo maad maam i k l Maam tag l bona, k u diid l kul g sua k l ŋan.
3. Wano n tie Tagtua, g tie Paacienudaan. Wan tien yal kul ŋan i.

Tunda 21 Yiesu yad yedŋanm bid po (Mark 10 : 13 -16)

1. K l maa Yiesu mali g bid mɔn boncienn.
2. Yiesu bo gaal'b u nui n i, g maan nui big kul po g yad yedŋanm b po.
3. L bual k tin gii mɔg dindann yen papaal Yendu po nyan big nyan i, g fid g kua Yendu diem n.

Tunda 22 Kuunaanŋ (Luk 13 : 34)

1. B kpii Yendu sogni-nba i g biɛ jaa wan sun yab nba tana g kpii.
2. U bo nanŋ'b yen kuunaanŋ n tu wogn u kpinkpana g ŋagn u bid po i.
3. B bo yie'og u.

Tunda 23 Polupaann (Dɔgdu 21 : 1 – 4)

1. U bo la polupaann yen tinpaanŋ i.

2. Yendu.

3. Kuum tan kan gii be, ninsiid tan kan gii be, pabɔnn tan kan gii be, finfabni tan kan gii be, fala mɔ bie tan kan gii be.

Tunda 24 Pagubl (Maatieog 6 : 25 – 33)

1. G dugn Yendu, t Baa nba be polu po ban k l bona tie payienu t po. U bu te'ti yal bual k tin gii mɔg kul.
2. Kristo-yab daa bu cind g tuo Yendu *bal gii tuag u mɔmaam sɔnu i.
3. K u bu te'ti t jied yen t bonnyukal yen tieliɛkad, yal l tie t payienu kul.

Tunda 25 Talbann yen talbanpieni (Efes 6 : 14 – 18)

1. B bo die jugfuad, kpana yen pieni i g saa kunkɔnn.
2. B tu yil kudfeglg i, g lie kudliedl k l lieg pal, g gbankɔnnɲl kpal nuugannɲ, g pil taacaad nba paa
3. T bu bob Yendu jakɔntied kul i.

Tunda 26 Waaɔg (Dɔgdu 12 : 7 – 9)

1. U bo tu be polu po i.
2. U bignd niib k ban gii tie biid i.
3. Yendu tan bu bu'ug g ɲɔn'o fala, l fala ji kan gii mɔg juog.

Tunda 27 Pawann (Maatieog 28 : 18 – 20)

1. Yendu kadaaɔg n maam nba tie biim nyan.

2. Yab te Kristo-yab k l wai k banm yen Yonmdaan binbem n ninᅇ, k b cie g dagd canyiin nyan.
3. Polu yen tinᅇ paalu kul.

Tunda 28 ᅇjuabi (Maatieog 25 : 31 – 34)

1. U bu bu t kul i.
2. B tan bu pa'b b pani polu po.
3. B bu la fala muubuog ninᅇ, banm yen Sitaan.

Tunda 29 Pei (San 10 : 14 – 18, 27 – 28)

1. B gbie u nielu g bie ᅇua'ᅇg.
2. U tug u miel i g tie u pei po.
3. T bu tug t kua i g cab u tuonn po.

Tunda 30 Jiennᅇ (San 1 : 35 – 43; 3 San 9 – 11)

1. B bu fid g togd fuug nba kul k b gbad.
2. Yiesu, ama t bie baa togd Kristo-yab nba mᅇ jie Yendu g suun tuonᅇana.
3. T tie Yiesu ᅇuantieb i, t baa togd wano i. Wano n tie t Canbaa.

Tunda 31 Dingbana (Luk 9 : 1 – 6)

1. U suun'ti k t pag yen niib nba g ban Laabamann l Laabamann po i.
2. G Yendu bua'b g sun u Bija Yiesu b po k ban la Fielu.
3. B bu l kpe bunbᅇnn n ninᅇ i g kan la Yendu.

Tunda 32 Bonkobd : (Tuona 10 : 9 – 16)

1. Pier bo duo deliekaag po i.
2. K wan daa tua g baa bonkobyenŋ tie jɔgnd bonn, g biɛ ji gbad g Laabamann tie k lan muand nil kul i.
3. Nil kul, wan l tie buolu nba kul, g nyie cugl nba ninŋ, g tie diem nba kul yua, g maad mabuolu nba kul.

Tunda 33 Yanbɔl (1 Pier 5 : 8 – 9)

1. U bu te'ti paalu g guul'ti yen *Bonbiildaana.
2. Yiesu sɔm ninŋ n tie t wunwuonbuol.
3. T gii taa Yiesu sann g ŋɔn k wano n tie t Yonmdaan g tie t Fietua, t paad'o n nyan.

Tunda 34 Bad (Dɔgdu 19:11-16, 20:1-2, 7-10)

1. Yiesu.
2. T baa tie Yiesu ŋuantieb nba g mɔg munle-le i.
3. T tan bu gad polu po i.

Tunda 35 Tiidi nba luon luana (Maatieog 3 : 8-11)

1. K tin gii suun tuona nba ŋɔn k t lebd t binbem, lan tie k t ŋaa biid sunu gii suun tuonŋana.
2. B bu cua'b i g lu muu n ninŋ.
3. Yiesu Kristo.

Tunda 36 Sual, tadi, boba (2 Timote 2 : 20-21)

1. Wula yal be, g ligtana yal be, g daad yal be, g yɔug yal mɔ be. Yenn be sel po, g liel mɔ be k lan gii suun daal kul.
2. L tie wan nya bona nba g mɔg niimn ninŋ i.

3. U baa tie yua mən Yendu po g dagd yen wan sun tuonmōnn kul.

Tunda 37 Muu (Saak 3 : 5-6)

1. L tu te bonbiiug youg nba k l waad i.
2. Biidbuolu kul n yaan taan naan n nyan
3. L tie k tin ŋanm g kub'o ŋanu i.
4. Yendu n tie yua tan bu juod g jiel nil kul buud.

Tunda 38 Finfenn (1 Pier 3 : 10 -12)

1. T bu ŋaa mabiid yen faaɔg u, l tie tin leg g ŋaa biid i, gii tie ŋanm g bie kpaan yen t mōndl kul g niib yam n gii dua.
2. Yendu ninbina l nyuan yab g kand u mɔb po i youg kul, g cenŋ b jaandi.
3. Yendu kən yen'm i.

Tunda 39 Fiiunŋ (Saak 3 : 13 -15)

1. U ninnaɔnŋ nba ŋan yen u ninbingbenŋa po.
2. L saa yen'ti biid n ninŋ i.
3. T bu fid g miel Yendu k wan te g Foŋanm n te'ti.

Tunda 40 Sanpandi (Maatieog 1: 18 -21)

1. Mari n bo tie Yiesu naa. U bo tie sipaan nba daa g ban jua i, g Foŋanm paalu po k u suol puol g ji guu g tan bu mal big.
2. Lann n tie g Yendu sun u bija k ban mal'o k u tie sanpandg.

3. "Yiesu" tie sann i g bua n maad g "Yendu fe niib".

Tunda 41 Duoli (Mark 5 : 1 – 15)

1. K l maa Yiesu n bo tɔl'b g maad k ban nya g daan ŋuan'm.
2. Yiesu kua n mɔg l paalu.
3. K l maa u tie batieb kul Bad i, g tie yonmdanm yaa Yonmdaan.

Tunda 42 Pienn (Tuona 9 : 19b – 25)

1. B bo tod Sɔl k u nyie Damas g ciel k l maa Suif-nba bo bua ban kpi'ug u.
2. U miel bo junn n nyan.
3. K l maa t kul tie Yendu ŋaag n ninŋ niib i. L bual g sua kul n̄ gii nyuan u lua n ninŋ i.

Tunda 43 Kpaddindieɣ/kpaljinjieɣ (2 Pier 3 : 17 -18)

1. L bo tie k ban daa ŋaa g nibiid n̄ kuan'm tudm n i g buon b dindann.
2. L tie k tin ŋanm gii suli g tunda nba kul k t gaan n̄ gii tuag yen Yendu kadaaɔg n yal i.
3. U yed k ban ŋanm gii band t Yonmdaan Yiesu Kristo, t Fietua g pugd, k u ŋalbalg n̄ gii pugd b binbem n ninŋ

Achévé d'imprimer par ATAPEB
Dépôt légal N° **55/MATDCL/septembre 2012**
B.P. 29 Dapaong -Togo

PRIX : 500 F CFA